



Broj: 06-11-1272/23-12
Ilidža, 22.05.2023. godine

Na osnovu člana 72. stav (3) tačka a) Zakona o javnim nabavkama Bosne i Hercegovine («Službeni glasnik BiH» broj 39/14 i 59/22) i Zapisnika o pregledu i ocjeni ponuda br: 06-11-1272/23-3 K od 12.04.2023. godine, Općinski načelnik donosi:

ODLUKU O DODJELI UGOVORA DRUGORANGIRANOM PONUĐAČU ZA 15/23 LOT 1

I

Poništava se Odluka broj 06-11-1272/23-6 od 12.04.2023. godine o izboru BETON FRESH d.o.o., Džemala Bijedića 212, Ilidža, kao najpovoljnijeg ponuđača za JN 15/23 LOT 1 „Sanacija, rekonstrukcija i asfaltiranje saobraćajnica prvog reda na području Općine Ilidža“, iz razloga što imenovani ponuđač u ostavljenom roku nije dostavio uvjerenja iz člana 45. stav (2) tačka a), b) c), i d) Zakona o Javnim nabavkama.

II

Ugovor se dodjeljuje drugorangiranom ponuđaču **BRAĆA MUJIĆ EXPORT IMPORT d.o.o.**, Džemala Bijedića 212, Ilidža, čija cijena ponude bez PDV-a iznosi **563.243,00 KM** i rok plaćanja **90 dana**.

III

Ponuđač **BRAĆA MUJIĆ EXPORT IMPORT d.o.o.**, obavezan je u roku od 7 dana od dana prijema ove odluke Ugovornom organu dostaviti uvjerenja iz člana 45. stav (2) tačka a), b) c), i d) Zakona o Javnim nabavkama.

IV

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji.

Obrazloženje

Na osnovu odluke o pokretanju postupka broj 06-11-1272/23-1 i obavještenja o nabavci broj broj 888-1-3-70-3-60/23 od 16.03.2023. godine pokrenut je otvoreni postupak nabavke za **JN 15/23 Sanacija, rekonstrukcija i asfaltiranje saobraćajnica na području općine Ilidža, LOT 1 Sanacija, rekonstrukcija i asfaltiranje saobraćajnica prvog reda na području općine Ilidža**. Ponude su blagovremeno dostavili HP INVESTING d.o.o., Bišće polje bb, Mostar, OXA d.o.o., Dobrinjske bolnice 13, Sarajevo, **BRAĆA MUJIĆ EXPORT IMPORT d.o.o.**, Džemala Bijedića 212, Ilidža, **BETON FRESH d.o.o.**, Džemala Bijedića 212, Ilidža. Analizom ponuda utvrđeno je da su svi navedeni ponuđači ispunili uslove iz tenderske dokumentacije, odnosno da su dostavili tražene dokaze.

Obzirom da je kao kriterij za dodjelu ugovora određen kriterij „ekonomski najpovoljnija ponuda“ sa podkriterijima cijena 99 % i rok plaćanja 1 %, Komisija za javne nabavke utvrdila je konačnu rang listu ponuđača kako slijedi:

1. BETON FRESH d.o.o., broj bodova 100 (cijena ponude bez PDV-a 489.888,00 KM, rok plaćanja 90 dana)
2. BRAĆA MUJIĆ EXPORT IMPORT d.o.o., broj bodova 87,11 (cijena ponude bez PDV-a 563.243,00 KM, rok plaćanja 90 dana)
3. HP INVESTING d.o.o., broj bodova 87,00 (cijena ponude bez PDV-a 563.911,00 KM, rok plaćanja 90 dana)
4. OXA d.o.o., broj bodova 86,66 (cijena ponude bez PDV-a 563.976,50 KM, rok plaćanja 60 dana)

Ugovorni organ je donio odluku br. 06-11-1272/23-6 od 12.04.2023. godine kojom ugovor dodjeljuje ponuđaču BETON FRESH d.o.o. čija ponuda bez PDV-a iznosi 489.888,00 KM i rok plaćanja 90 dana.

Izabrani ponuđač je Odluku zaprimio 24.04.2023. godine a po navedenoj odluci je bio obavezan u roku od 7 dana od dana prijema iste Ugovornom organu dostaviti uvjerenja iz člana 45. stav (2) tačka a), b) c), i d) Zakona o Javnim nabavkama.

Kako izabrani ponuđač u ostavljenom roku nije dostavio tražene dokaze, ugovorni organ je utvrdio da su se ispunili uslovi iz člana 72. stav (3) tačka a) Zakona o javnim nabavkama («Službeni glasnik BiH» broj 39/14 i 59/22) za dodjelu ugovora drugorangiranom ponuđaču **BRAĆA MUJIĆ EXPORT IMPORT d.o.o.** čija cijena ponude bez PDV-a iznosi **563.243,00 KM i rok plaćanja 90 dana.**

Cijeneći navedeno odlučeno je kao u dispozitivu.



OPĆINSKI NAČELNIK

Nermin Muzur, magistar uprave

DOSTAVLJENO:

1. HP INVESTING d.o.o., Bišće polje bb, Mostar
2. OXA d.o.o., Dobrinjske bolnice 13, Sarajevo
3. BRAĆA MUJIĆ EXPORT IMPORT d.o.o., Džemala Bijedića 212, Ilidža
4. BETON FRESH d.o.o., Džemala Bijedića 212, Ilidža
5. Služba za komunalne poslove i infrastrukturu
6. Kabinet općinskog načelnika
7. Stručna služba za zajedničke poslove (za objavu na web)
8. a/a

Izradio: Almedin M.

Kontrolisao: Benjamin M

